

Kalata gwa Jaakobo Isyakulongosya

Kalata ujū aasimbiigwe na Jaakobo, ugwamyabo gwa Jesu, aali ndongosi gwa kipanga kya Kyala ikya mu Jelusalemu. Aabasimbiile abiitiki aba baabalaniile ukufuma mu Jelusalemu ukubuka ntwaja na mfiisu ifingi.

Inyango jaa Jaakobo mwa kalata ujū, ko kubabwala abiitiki ukuti ulwitiko lwabo mwa Kilisiti lukulondigwa lubonekege mu mbombo syabo na nkajilo kaabo akanunu. Kangi ikubamanyisya ukusitola isya kwijumbika, ubwafi, ifinyonyo, ingelo nū kwamulana kabiibi. Kangi ikunangisya ubanunu ubwa kaja biikemo, ulwijiisyo, inyiipuuto, ukuumilila nū kaja na mahala.

Isi silimo mwa kalata ujū
Jaakobo ikubaponia abiitiki
Abiitiki buumililege ndwitiko nkabalilo akaa ngelo, bajege
Abiitiki bababombelege kanunu abandu boosa kisita kusala
Abiitiki bajege na mahala mmasyu gaabo nū kwipuuta kwa
Imanyisyo isya bukabi
Ukwipuuta nū kuumilila ulwitiko nkabalilo akaa ngabilo

¹ Kalata ujũ afumile kũmyangũ une Jaakobo, ne mbombeli gwa Kyala, na gwa Ntwa Jesu Kilisiti. Nikubaponia mwe Bakilisiti mwe Bajuta abaa mfikolo kalongo na fibili, ifi fibalaniile pakiisũ.

Ukwikasya ndwitiko akabalilo akaa ngelo

² Baamyitũ ndwitiko, linga ingelo sikubaaga, musekelege fiijo, ³ paapo mumeenye ukuti linga ulwitiko lwinu lukugeligwa, kukutwala ukwikasya. ⁴ Mwikasyege bwila ukuti mukome ndwitiko, nũ kusita kwagilwa nafimo.

⁵ Looli linga jũmo aagiilwe amahala agaa kubomba bo ulo, ansũme Kyala, ujũ ikubapa boosa kũ boooloo, kisita kulũmbũsya, po ikapeeligwa. ⁶ Looli bo ikusũma ajege nũ lwitiko kisita kwilaamwa, paapo ujũ ikwilaamwa afwene na majiga agaa mu nyanja, aga umbelo gukugajugania kũno na kũno. ⁷ Umundũ bo ujo alingiinogonaga ukuti abagiile ukukaba fimo kũ Ntwa Kyala, ⁸ paapo ikwilaamwa, atikũnsũbila mwene Kyala ndi syosa isi ikusibomba.

Ubulondo nu bukabi

⁹ Umwitiki undondo ikulondigwa ahobokeye, paapo iinuliigwe na Kyala. ¹⁰ Joope unkabi ikulondigwa ahobokeye, paapo asulusiigwe na Kyala. Unkabi ujo ikwisa kujonga bo ubulenge ubwa liisũ, ¹¹ paapo iliisuba likusooka nũ lũmu ulukali, lukũmika amaani, ubulenge bukubululuka paasi, ubũnunu bwake bukoo-nangika. Bũbũbo nu nkabi, joope ikwisa kufwa bo ali pakubomba imbombo syake.

Ƴkugela nū kusoŷya

¹² Asajiigwe umundu ujū ikwikasya mu ngelo, paapo bo asitolile ingelo, ikwisa kukaba ingiga jaa buumi bwa bwila na bwila, iji Kyala aafingile ukubapapo aba bannganile.

¹³ Umundu linga ikusofigwa ukubomba imbiibi alingajobaga ukuti, “Ngusofigwa na Kyala,” paapo Kyala atikusofigwa ni mbiibi, kangi umwene atikusofya umundu najumo ukubomba imbiibi. ¹⁴ Looli kukuti mundu ikusofigwa ukubomba imbiibi ni finyonyo fyake, bo fikunnyonyofya nū kansyoba. ¹⁵ Inyiinogono isya kinyonyo sikuntwala nkubomba imbiibi, ni mbiibi syope sikuntwala mbufwe.

¹⁶ Mwe bakundwe baamyitu, mulingasyobigwaga. ¹⁷ Kukuti kikungilwa ikinunu, kangi kukuti kyabupe ikinunu, fikusuluka ukufuma kumwanya kwa Kyala, umPeli gwa isuba, umwesi ni ndondwa. Ifya lumuli ifyo fitikumulika akabalilo koosa, akabalilo kamo fikusima. Looli Kyala akafwana bo ifya lumuli ifyo, umwene atikwanduka. ¹⁸ Mbwigane bwake aatapelile uswe ukujja baanaake, ku njila jaa isyu lyake ilya nalooli. Aabombile isyo ukuti tujege mbujo ubwa kwanda ku fipeligwa fyosa.

Ƴkulipilika iisyu lya Kyala nū kulibombela

¹⁹ Mwe baamyitu bakundwe, musyaganie isi, alingajangapo pakati pamyinu umwengo ukujoba, looli ajege mwengo ukupilikisya. Kangi alingajaga mwengo ukukalala, ²⁰ paapo ingalalisi isya mundu sitikubomba isya bugolofu nkyeni

mwa Kyala. ²¹ K̄nongwa ijo, muleke ulwendo ulanyali n̄ butulanongwa boosa. Mupilikisyege iisyu lya Kyala n̄ lwijiisyo. Iisyu ilyo libyaliigwe mu ndumbula syinu, lili na maka agaa kubapoka umwe.

²² Looli mulingapilikisyaga itolo iisyu lya Kyala, looli mubombege isi likujoba. Linga mutikubomba mukwisyoba mwibeene.

²³ Linga umundu ikulipilikisya lyene iisyu, looli atikulibombela, afwene bo umundu uju ikwikeeta kumaaso nkikeetelo. ²⁴ Bo ikeetiile, ikusookapo, nakalinga ikwibwa muno ajiliile.

²⁵ Looli umundu uju ikweneesya fiijo iisyu lya Kyala, ujo ali pasima. Iisyu ilyo likaagilwa, lili na maka agaa kutwabula uswe ukufuma mbutulanongwa. K̄nongwa ijo linga umundu ikuliinogonela ilyo, kangi ikulikonga kisita kwibwa isi asipiliike, ujo jo ikusajigwaga ndi sila ikusibomba.

²⁶ Linga umundu ikwibona ukuti ikunkonga Kyala, looli atikulutiima ululimi lwake, ikwisyoba mwene, ulwitiko lwa mundu ujo lukabagisya nafimo. ²⁷ Ulwitiko ulununu ulusita bunyali nkyeni mwa Taata Kyala lo ulu, ukubakeeta abapiina na bakiikulu aba basyilile abalume baabo, aba bali mbutolwe, n̄ kwijepusya ku mbiibi sya pakiisu.

2

Ukubabombela abandũ kisita kusala

¹ Mwe baamyitu ndwitiko, paapo mummwitiike Jesu Kilisiti, unywa gwitu unsisya, mulingasalaga ukubabombela abandũ,

ukukongana na muno bajjiliile. ² Akabalilo kamo umundu abagiile ukwingila ndukomaano lwinu, bo afwele imyenda iminunu na kakuba kaa sahabu ndoobe lwa mmaboko, kangi ikwingila undondo uju afwele imyenda imikwulu. ³ Linga mukumpaasya uju afwele imyenda iminunu, mukumbwala ukuti, "Ugwe tugala apa pa bununu," po ku ndondo mukuti, "Ima pala," pamo, "Tugala paasi," ⁴ bule, mutikusala abandū? Kangi mukaja balongi aba bali ni nyiinogono imbiibi?

⁵ Mwe baamyitu bakundwe, namupilikisye! Kyala abasungwile abalondo, aba bakaja nu tandu utwa pakiisu, ukuti bajege nu lwitiko ulanywamu mwa Jesu, ulu bo bukabi ubwa nalooli. Kangi abasungwile ukuti bo aba bikukaba ubunyafyale ubu aafingile kuli aba bannganile. ⁶ Looli umwe mukubiilaamwa abalondo! Bule, abakabi bakaja bo aba bikubataamya umwe nu kubatwala mbulongi? ⁷ Bule, bakaja bo aba bikujituka ingamu inunu jaa Jesu Kilisiti, iji umwe mupeeliigwe?

⁸ Linga mukukonga ulalagilo lwa Banyafyale bwa Kyala ulu lusimbiigwe mwa Kalata uMwikemo ukuti, "Ubaganege abanino bo ulu gwijiiganile ugwe,"* mukubomba kanunu. ⁹ Looli linga mukusala ukubabombela abandū ukukongana na muno bajjiliile, mukubomba imbiibi, syope indagilo sya Kyala sikubalanga ukuti muli basobi. ¹⁰ Po kukuti mundu uju asikolile indagilo syosa, leelo akileenie ulalagilo

* 2:8 2:8 Bala kalata gwa Abanyaleebi 19:18.

lumo, ujo akileenie indagilo syosa, ¹¹ paapo Kyala aatile, “Ulingalogwaga,”† kangi aatile, “Ulingagogaga.”‡ Linga utikulogwa, leelo kugoga, bo ukileenie indagilo syosa.

¹² Po mujobege nu kubomba bo ulwa bandu aba Kyala ikwisa kubalanga, ukukongana ni isyu lyake ili lili na maka agaa kutwabala ukufuma mbutulanongwa. ¹³ Paapo linga umundu atikubapaakisa abangi, joope Kyala atikwisa kumpaakisa umundu ujo bo ikubalanga abandu. Linga umundu ikubapaakisa abangi, po Kyala ikwisa kumpaakisa joope pi isiku lya bulongi.

Ulwitiko ni mbombo

¹⁴ Mwe baamyitu, ikukabamo ifiki umundu uju ikuti ali nu lwitiko, looli atikubomba imbombo inunu? Bule, ulwitiko bo ulo lubagiile ukumpoka? ¹⁵ Akabalilo kamo umwitiki jumo unnyambala pamo unkiikulu, abagiile ukusita kaja ni myenda igya kufwala pamo ifindu fya kulya kukuti isiku. ¹⁶ Linga jumo pakati pamyinu ikummbuula ujo ikuti, “Ubuukege nu lutengaano, ukootege umooto nu kwikuta,” kisita kumpapo ifi ikulonda, isyo sili nu butuuli buki? ¹⁷ Bubuabo linga muli nu lwitiko, looli mutikubomba inunu, ulwitiko bo ulo lufwile.

¹⁸ Looli umundu jumo abagiile ukujoba ukuti, “Ugwe ali nalo ulwitiko, une ndi ni mbombo inunu.” Une ngali nummwamwile ukuti, “Unangisye muno kujila nu lwitiko kisita kaja

† 2:11 2:11 Bala kalata gwa Ukusooka 20:14. ‡ 2:11 2:11 Bala kalata gwa Ukusooka 20:13.

ni mbombo inunu, niine ku njila jaa mbombo inunu ngukanangisya muno lujiliile ulwitiko lwangu.”¹⁹ Ugwe kwitika ukuti aliko Kyala jamojwene. Kubomba kanunu! Syope imbepo inyali sikwitika isyo, kangi sikutetema.

²⁰ Gwe nkonyofu ugwe! Fiki utikulonda ukusyagania? Isaga nganangisye ukufuma mwa Kalata uMwikemo ukuti ulwitiko kisita kubomba imbombo inunu, sya itolo!²¹ Taata Abulahamu aalinsoosiisye umwanaake Isaka ukuja ikemo lya kubooligwa pa kigemo. Ku mbombo ijo inunu, Kyala aalimbalile ubugolofu.[§] ²² Keeta, ulwitiko lwake lwakonganaga ni mbombo syake, kangi ulwitiko lwake lwabikiigwe kanunu ku mbombo isi aabombaga.²³ Isyo syabombiigwe bo ulu Kalata uMwikemo ikujoba ukuti, “Abulahamu aalimmwitiike Kyala, po Kyala alinkumbala ubugolofu.”* Po Abulahamu alinkujobigwa ukuja mmanyaani gwa Kyala.²⁴ Po mukeete ukuti, umundu ikubaligwa ubugolofu ku lwitiko lwake pamopeene ni mbombo syake, komma ku lwitiko kisita mbombo.

²⁵ Bububu na kwa Lahabu jula undogwe. Bo abambiliile aba baatendeelaga ikiisu, aabasoosiisye ku njila ijingi. Bule, akaabaliigwe ubugolofu kuli sila aabombile?† ²⁶ Ulwitiko kisita kubomba imbombo inunu lufwile, lufwene na mfimba.

§ 2:21 2:21 Bala kalata gwa Ubwandilo 22:1-18. * 2:23 2:23 Bala kalata gwa Ubwandilo 15:6. † 2:25 2:25 Bala kalata gwa Jooswa 2:1-21; 6:22-25.

3

Ukulutiima ululimi

¹ Mwe baamyitu, pakati pamyinu mulingajaga mwesa bamanyisi baa isyu lya Kyala, paapo Kyala ikwisa kutulonga fiijo uswe twe tukumanyisya, ukukinda abangi. ² Uswe twesa tukusoba kaa kingi. Linga umundu atikusobamo mbujobi, ujo akaagilwa nafimo, abagiile ukugulongosya goope umbili gwake goosa.

³ Tukubiika ilijamu nkanwa mu falaasi* ukuti sibombege isi tukulonda. Ku njila ijo tukugulongosya imibili gyabo gyosa. ⁴ Amukeete syope isitima.† Nalinga nywamu fiijo, sikugutigwa nu mbelo ukali, poope sibagiile ukulongosigwa na kaa kulongokesya akanandi fiijo, ukubuka kokoosa kuno umwendesya sitima ikulonda. ⁵ Bubuubo nu lulimi, kambakaasya kanandi kaa mbili, looli lukwituufya ingulumba fiijo.

Namwinogone ukuti, goope umooto unnandi gubagiile ukukosya iitengele iinywamu. ⁶ Po ululimi luli bo umooto ukali. Luli mmibili gyitu ngati maka mabiibi fiijo. Kangi lukunyasya umbili goosa. Ululimi lukwasya umooto ugu gukoonanga ubumi bwitu, looli lukwasigwa ni ndapi isya mooto ugwa ku ngolongo.‡

* **3:3** 3:3 Hlijamu nkanwa mu falaasi tugoje utu bikupinya nkanwa mu falaasi, ukusilongosya ukubuka kuno iiganile uju iitogile. † **3:4** 3:4 Isitima Bala ku isyakulingaania. ‡ **3:6** 3:6 Ingolongo Bala ku isyakulingaania.

⁷ Uluco loosa ulwa finyamaana fikukungigwa. Ifinyamaana ifya ndiisu, injuni, ifi fikwendela ulwanda ni fipeligwa ifya mu nyanja, abandũ babagiile ukufikunga. ⁸ Looli akajako umundu uju abagiile ukulukunga ululimi ukuti lulingajobaga imbiibi, lutikusigiligwa. Lukoo-nanga abandũ ngati nkota ugu gukatwala ubufwe.

⁹ Ku njila jaa lulimi tukuntuufya uNtwa Kyala gwitu uju jo Taata. Kangi nu lulimi tukubaguna abandũ, aba Kyala aabapelile ukufwana nagwe. §
¹⁰ Ukufuma nkanwa kalakala, gikufuma amasyu gaa lutuufyo na gaa kigune. Baamyitu, silingajaga bo ulo! ¹¹ Bule, inyiibuko jimo jibagiile ukusoosya amiisi amanyaafu na gaa kilambo? ¹² Baamyitu, bule, ukuju gubagiile ukupa iseke isya nsyunguti, pamo umpiki gwa maafilu gubagiile ukupa iseke isya nkujũ? Joope inyiibuko ijaa kilambo jikabagila ukusoosya amiisi amanyaafu.

Uluco lubili ulwa mahala

¹³ Kali alimo jumo pakati pamyinu ugwa mahala, uju ikusyagania inongwa? Po aganangisye nkajiilo kaake akanunu, mu mbombo isi ikubomba ku lwijiisyo ulwa mahala. ¹⁴ Looli linga muli nu buufi na kabini mu ndumbula syinu, po mulingiituufyaga kunongwa jaa mahala giinu. Kangi mulingajobaga isya butungulu ukupingana nu bwanalooli. ¹⁵ Amahala bo ago gatikufuma kumwanya, looli gaa pakiisu. Kangi gakaja gaa mwa Mbepo, looli

gaa Seetano. ¹⁶ Paapo apa bulipo ubuufi na kabini, pikujaga nu bwite nu bubiibi ubwa lako loosa.

¹⁷ Looli abandũ aba bikũja na mahala aga gikufuma kũmwanya, abo bo beelu, biganile ukũja nu lutengaano na bandũ abangi, boooloo, bikubapilikisya kanunu abandũ, biiswile ulũpaakisyo ni mbombo inunu, batikusala ukubabombela abandũ, kangĩ baa nalooli.

¹⁸ Aba bikubafwania abandũ ukuti bakabe ulutengaano, bafwene na aba bikubyalala imbeju. Iseke isi bikukaba sya bugolofu.

4

Ulwijiisyo kwa Kyala

¹ Ubwite nu kũmana pakati pamyinu fikufuma kũgu? Fikufuma mfinyonyo fyinu, ifi fikulwa na nuumwe munda mmyinu.

² Linga mutikukaba ifi mukũnyonywa, mukugogana nu kũja nu buufi. Bo mutoliigwe ukufyaga ifi mukulonda, mukũmana nu kulwa. Ifi mukũnyonywa mutikukaba, paapo mutikusũma kwa Kyala! ³ Na paapo akabalilo aka mukũnsũma ifyo mutikukaba, paapo mukusũma ifya bwigane bwinu ububiibi. Mukusũma ukuti ifi mukukaba mufibombelege nkwisekeesya.

⁴ Mwe basyobi umwe! Bũle, mukamanya ukuti ukũja mmanyaani gwa kiisu, ko kũja ndũgu gwa Kyala? Po kukuti mundũ ujũ ikulonda ukũja mmanyaani gwa kiisu, ikwibiika ukũja ndũgu gwa Kyala. ⁵ Linga mukusikaana

isyo, po mukusikaana isi sisimbiigwe mwa Kalata uMwikemo isi sikuti, Mbepo Mwikemo ujũ Kyala ammbiikile nkati mmyitu, ali nũ buufi fiijo. ⁶ Looli umwene Kyala ikutongelapo iliipyana ilingi, bo muno sisimbiigwe mwa Kalata uMwikemo, ukuti,

“Kyala ikubakaana abaa matingo,

looli abaa lwijiisyo ikubapapo iliipyana.”*

⁷ Po leelo mwijiisyege kwa Kyala. Mumpingege Seetano, po ikubabopaga. ⁸ Amusegelelege kwa Kyala, po joope ikusegelelega kumyinu. Mwe batulanongwa, mwijeelasye! Mwe baa nyiinogono ibili, musisoosyemo inyiinogono imbiibi! ⁹ Musulumanie kanongwa jaa batulanongwa bwinu, mupaalege iifwa nũ kulila. Namuleke ukuseka looli mulilege, namuleke ukusaala looli musulumaniege. ¹⁰ Mwijiisyege nkyeni mu Ntwa, po joope ikwisa kubiinulaga.

Ukutumula inongwa jaa gwamyinu

¹¹ Baamyitu, mulingajobanaga kabiibi. Ujũ ikannjoba umwitiki nnine kabiibi pamo ikutumula inongwa ijaa mwitiki nnine, ujo ikusijoba kabiibi nũ kusilonga indagilo sya Kyala. Linga kusilonga indagilo, ugwe ukaja nkonga ndagilo, looli uli ndongi. ¹² Kyala mwene jo mbiika ndagilo, kangĩ ndongi. Jo ujũ abagiile ukupoka nũ kupyuta. Po ugwe gwe gwani gwe kutumula inongwa isya mwitiki mwinaako?

Akajilo akaa kwituufya

* **4:6** 4:6 Bala kalata gwa Isya Mbupingamu 3:34.

13 Po mumbilikisye, umwe mwe mukujoba ukuti, “Liilino pamo kilaabo, tukubuka nkaaja akalibe, tukwakutugala uko ikyinja kyosa, tukwakyulusya na kukaba indalama.” 14 Ni sya kilaabo mukasimanya! Ubumi bwinu bwa kabalilo akapimba itolo! Bwfwene na lubeefu ula lukuboneka kukabalilo akapimba, po lukujonga! 15 Kanunu linga mukuti, “Linga unTwa iiganile, tukujako ku bumi, aatukubomba isi na sila.” 16 Looli muno sijiliile, umwe mukwituufya kuli isi mukwinogona ukubomba. Ukwituufya kwa luko ulo kubibi. 17 Po umundu ujw ameenye ukubomba inunu, looli atikusibomba, umundu ujo ikubomba ubatulanongwa.

5

Ukubasoka abakabi abasyobi

1 Po mwe bakabi mupilikisye! Mulilege na kupaala iifwa paapo muli kifuki ukwingila mbutolwe ubunywamu. 2 Ikyuma kyinu kibolile, imyenda gyinu giliiligwe na majenje. 3 Isahabu ni feesa jinu fikaja na mbombo najimo, ngati sinwile ingami. Kyala bo ikubalanga, ikyuma kyinu kikaja ni mbombo najimo, bukujaga bukeeti ukuti muli batulanongwa, kunongwa jaa kaja bapafu. Ngati mooto ugu gukoonanga utundu, Kyala ikwisa kubapapo ulufundo ulunywamu. Mwibiikiile ikyuma ikya mmasiku aga, agaa kummaliikisyo. 4 Namupilikisye, ababombi muno bikujwegela! Abeene bamalile imbombo jaa kutondola imigunda gyinu, umwe mukabahomba. Ukusita kubahomba uko

kukukoolela ubulongi bwa Kyala kumyinu. Kangi ukujwega kwa babombi abo kupilikiigwe nu Ntwa uMwene maka goosa. ⁵ Mutuugeele mbukabi nu kwisekeesya ni sya pakiisu. Mwitupiisye kilingaani kwi isiku lya bulongi, bo ulwa ng'ombe isi situpile kwi isiku ilya kubooligwa. ⁶ Mubalongile nu kubagoga abandu abagolofu, na bandu abo batikupingana na nuumwe.

Ukwikasya mu ndaamyo

⁷ Po baamyitu, mwikasyege mpaka bo ikwisa uNtwa Jesu. Mukeetege undimi muno ikwikasya ukuguulilila ifi abyele mu ngunda, mpaka fipe iseke inunu. Ikuguulilila ifi abyele ukukaba ifula ijaa kwanda ni jaa kuusulo. ⁸ Babuubo mwikasyege mu ndumbula syinu, mukake, paapo ukwisa kwa Ntwa Jesu kusegeliile. ⁹ Baamyitu, mulingajobanaga kabi-ibi, ukuti mulingiisa kulongigwa. Mujege maaso! UNdongi iimile pa kifigo!

¹⁰ Baamyitu, mubakeetege abakunguluka aba baajobaga isi aabatumile uNtwa Kyala, ukuti bajege baa kukeetelamo ukwikasya mu ngubilo. ¹¹ Tukuti basajiigwe aba baaliikasiisye. Mupiliike ukwikasya kwa Jobu, kangi mumeenye muno uNtwa Kyala aalintuulile kummaliikisyo.* UNtwa gwa kibabiilisi fiijo, kangi gwa lupaaakisyo.

¹² Baamyitu, kuli syosa isyo mulingalapilaga kumwanya pamo kukiisu, pamo ku kandu kokoosa kala. Looli mujobege lyene ilya kuti,

* **5:11** 5:11 Bala kalata gwa Jobu 1-2; 42:7-17.

“Eena,” linga mukwitika, ni lyakuti, “Mma,” linga mukakaana. Linga mukabomba bo ɛlo mutikwisa kulongigwa na Kyala.

Ɔkunsuuma Kyala nɛ lwitiko

¹³ Bule, pakati pamyinu, alipo ɛmundɛ ɛjɛ ikutaamigwa? Iipuutege ɛkuti Kyala antɛɛle. Bule, alipo ɛgwa lɛsekelo? Imbege inyimbo isya kuntuufya Kyala. ¹⁴ Bule, alipo ɛmbine pakati pamyinu? Abakoolele abakɛɛɛ baa kipanga kya Kyala, bammwipuutile nɛ kɛmpaka amafuta mu ngamu jaa Ntwa Jesu. ¹⁵ Linga bikunsuumila nɛ lwitiko, ikubambuluka, ɛNtwa Jesu ikummwinɛla. Nalinga abobile ɛbutalanongwa, ikuhobokeligwa. ¹⁶ Kɛnongwa ijo mwilaatege imbiibi syinu, ɛjɛ kɛ nnine, ɛjɛ kɛ nnine. Mwipuutilanilege ɛkuti mubambulɛsigwe.

Ɔkwipuuta kwa mundɛ ɛngolofu kɛli na maka agaa kɛbomba imbombo. ¹⁷ Ɔnkunguluka Elija aali mundɛ bo ɛswe. Aaliipuutile fiijo ɛkuti ifula jilingatima, ifula jikaatimile nkiisu kila ifyinja fitatɛ ni myesi ntandatɛ. ¹⁸ Po kangɛ aaliipuutile, kɛmwanya kwasoosiisye ifula, jilinkɛtima, ikiisu kilinkɛmesya ifindu.†

¹⁹ Baamyitɛ, linga ɛmwiniinu jɛmo asobile, abulekile ɛbwanalooli, kangɛ linga ɛmundɛ ɛjɛngɛ ikɛnngomokesyamo mbwanalooli, ²⁰ musyaganiege ɛkuti, ɛmundɛ gwesa ɛjɛ ikɛnngomosya ɛntalanongwa ɛkɛfuma mbɛsobi, ikɛmpoka mbɛfwe ɛmundɛ jɛla,

† 5:18 5:17-18 Bala kalata gwa 1 Abanyafyale 17:1; 18:41-45.

nu butulanongwa bwingi ubwa mundu jula
bukuhobokeligwa.

Ulwikano Ulupya
Nyakyusa-Ngonde: Ulwikano Ulupya (New
Testament+)

copyright © 2019 Wycliffe Bible Translators, Inc.

Language: (Nyakyusa-Ngonde)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 21 Feb 2024 from source
files dated 29 Jan 2022

14ff4521-53e4-562c-aacb-6f4faf55a6c8